

佛本行集經

第三十

二百九十八
業十

49735



佛本行集經卷第三十

業

隋天竺三藏法師闍那崛多譯

菩薩降魔品下

尔時彼處別有地神將於一瓶涼冷之水灑
魔王上而告之言汝魔波旬疾速急起走向
本宮今為汝故當有種種器仗欲來害於汝
身節節解汝而彼魔眾本時所作雜類形容
殊異身體變現而來執持種種兵戈器械如
是怖已不能復形還如是歸至本來處各相
迷失經由七日於後或有得相見者或不相
見其相見者各相借問或復哭母或復哭父
或兄或弟或姊或妹互相謂言我等今者值



此大厄是我等殃我等今得本命而還深是我等不可思議而有偈說

菩薩右手百福嚴

諸拍網羅赤紅甲

掌內千輻輪相炳

閻浮金光妙色充

以手安庠摩頂跌

如是掌下似雲電

口言大地汝明我

往昔無數劫修行

所有來乞曾不違

水火風神皆驗實

梵天帝釋并日月

十方諸佛悉鑒知

如我苦行求菩提

布施持戒精進忍

禪定智慧等六度

及四無量諸神通

如是次第助道因

一切薰修盡皆證

十方我作諸功德

般遮于瑟及檀那

汝魔下分無一毫
其地震聲若鍾響
魔覩倒地悶不獲
雖降面失於光色
搥膺大哭唱叫聲
東西南北縱橫走
象馬車兵力悉摧
自然驚怖悉星散
如鳥在澤被火飛
兩兩相求不知道
設得相見迭相嫌
彼諸魔衆無億數

是時以手指此地
六種湧沒海波濤
或有空音唱縛撮
自知不及菩薩威
身體疲乏無歸處
心迷悶絕無有情
鳩槃毗舍遮羅刹
退走求道各迴遑
父母兄弟姊妹女
各問汝今何處停
俱云厄至恐失命
忽然消滅似散雲

如是苦經七日中
我等心今大歡喜
慈心將冷水一瓶
速起莫任隨心去
後值厄難當分甘
摩睺羅伽及毗舍
魔王率將樹下來
端正容顏諸相滿
心不驚動猶須弥
諸法無異無分別
法相如是正思惟
若有我心彼聞見

後遇相逢唱言活
時彼菩提樹大神
灑於魔上作是說
汝今若不取我言
夜叉羅刹鳩槃等
世間所有可畏形
欲望恐怖於菩薩
功德具如千日光
觀彼魔衆如幻化
如星如露如浮雲
安心善住結跏坐
如是邪念則生貪

癡人作是著我時

以心念故見恐怖

釋迦牟尼大尊者

觀於諸法平等如

十二因緣相續生

心意境界空無實

見諂曲魔不驚動

乏頓無利身體疲

不石刀仗悉棄捨

眷屬馳走無依怙

介時魔王波旬長子名曰商主即以頭頂禮

菩薩足乞求懺悔口唱是言大善聖子願聽

我父發露辭謝凡愚淺短猶如小兒無有智

慧我今忽來惱亂聖子將諸魔衆現種種相

恐怖聖子我於已前曾諮父言以中正心雖

有智人善解諸術猶尚不能降伏於彼悉達

太子況復我等但願聖子慈亮我父我父無

智不識道理如是恐怖大聖王子當何取生
大聖王子願仁所誓早獲成就速證阿耨多
羅三藐三菩提

尔時所有一切諸天向於菩薩生信行者若
虛空中及在地上或復諸方彼等悉大歡喜
踊躍遍滿其體不能自勝以歡喜心口唱是
言唎唎唎梨梨其聲遍滿四方虛空震叫
響徹弄諸衣服嗚呼希有菩薩今以降伏諸
魔及魔軍衆以作天樂以作天歌讚歎菩薩
復將天華曼陀羅華摩訶曼陀羅華曼殊沙
華摩訶曼殊沙華優鉢羅華拘勿頭華鉢頭
摩華分陀利華以天旃檀細末之香散菩薩

上散已復散雨而更雨有偈說言

喜薩既降伏魔王

此之大地六種動

衆生沒在無明暗

太聖神光普照明

天地開朗日月輝

猶如婦女莊嚴面

虛空下種種華雨

曼陀羅等及餘華

尔時復有無量無邊諸餘天等千万億數娑

婆世主大梵天王及帝釋等皆大歡喜乃至

遍體不能自勝合十拍掌頂禮菩薩口作是

言今此聖者必證阿耨多羅三藐三菩提是

時其處菩提樹下相去不遠有一龍王名曰

迦羅即便以偈嘆菩薩言

如我昔覩佛日興

還如此處菩提樹

作大神通希有事
世尊今者亦復然
心不攀緣正意住
如是勇猛大精懃
而此大地六種動
東西南北湧復潛
虛空闕塞諸天衆
唱聲微妙心喜歡
諸天万億不可數
如是預相無有邊
千万那由他天衆
此之先應難具言

善巧方便降魔王
鋪草結跏安隱坐
曾無一念暫時驚
決定最勝牟尼佛
其響震吼如鍾聲
不久必成大勝覺
百千万億那由他
仁今必作大妙聖
各弄衣服滿虛空
仁今作佛成大聖
在空頂禮合掌恭
仁今作佛大尊覺

天諸童子億千萬

喜歡手執妙天華

於仁者上雨華雲

仁今作佛世尊勝

周而菩提樹林木

枝頭皆向尊屈佞

此諸瑞相非一條

仁今作佛大尊極

仁既降伏天魔衆

可畏音響及殊形

悉以慈力攝化周

仁今作佛大尊稱

迦羅龍王歎佛已

心生快樂大喜歡

佛本行集經成無上道品第三十三

尔時菩薩既已降伏一切魔怨拔諸毒刺建

立勝幢坐金剛座已滅一切諸世間內諍鬪

之心滅諍鬪已內外調伏心清淨行爲令一

切世間衆生作利益故爲令一切世間衆生

得安樂故爲今一切諸惡衆生發慈心故爲
斷一切諸惡衆生結垢行故自己滅除睡眠
纏蓋心得清淨光明現前正念圓滿亦教衆
生今斷一切睡眠覆障自己斷除一切調戲
得清淨心無有濁亂亦教衆生今滅一切調
戲之心使得清淨自斷一切疑悔之心離暗
蔽行於諸善惡一切法中無有疑滯得清淨心
今時菩薩得斷如是五種心已煩惱漸薄所
以者何此等五法能爲智慧作覆障故能爲
智慧作不佐助遮於涅槃微妙善路如是一
切悉皆棄捨離諸慾心及不善法分別內外
思惟觀察一心寂定欲證喜樂入於初禪法

中而行

尔時菩薩如是思惟我今已證初增上心現
得安樂微妙之法心不放逸應當正念捨離聚
落依阿蘭若所行法者盡令得之是時菩薩
欲捨一切諸分別觀清淨內心一無分別從
三昧生歡喜樂已證第二禪法中而行尔時
菩薩復如是念我今已生此二增心乃至捨
離一切諸惡成衆行已入二禪時菩薩厭離
歡喜捨行清淨正念正慧身受安樂如聖所
歎捨於諸惡已得安樂如是增上證第三禪
法中而行

尔時菩薩復如是念此我第三增益之心乃

至在於蘭若行者是時菩薩欲捨樂欲捨苦
如前所捨分別苦樂無苦無樂悉捨正念清
淨證第四禪法中而行

尔時菩薩復更思惟此我增心第四現見法
安樂行已得證知心不放逸善男子應正念
一心在阿蘭若寂靜而行

尔時菩薩如是一心清淨無垢無障無翳一
切苦患悉皆除滅調和柔軟可作諸業已住
決定其夜初更欲成身通受於種種神通境
界所謂一身能作多身復合多身還作一身
作一身已於虛空中上没下出下没上出隱
顯自在橫遍亦然穿過山崖石壁無礙應念

而行入壁便出出已還入譬如霧中沒已即
現現已還沒入地如水履水如地出沒虛空
猶如飛鳥或放烟燠或出光炎如大火聚日
月威德最大巍巍能以手掌而捫摸之現長
大身乃至梵天譬如工巧巧師弟子取清淨
金作諸器皿隨意即成亦分別知彼價貴賤

如工瓦師瓦師弟子成就泥團置於輪上欲
作何器即便得成亦知其價如善木師木師
弟子伐取樹木不腐不枯欲作何器即能得
成亦知其價如象牙師牙師弟子得好象牙
欲作何器即能得成亦知其價如是如是菩
薩亦然如是成就清淨之心無濁穢心無隔

礙心無患累心柔和輒心成就業心真寂定
心於夜初更修習造作種種神通成就智心
出現種種神通境界所謂一身作於多身略
說乃至身至梵天菩薩心得如是寂定如是
清淨如是無垢如是無翳除滅一切煩惱患
累造諸業已心得寂滅

尔時菩薩還於是夜初更之中更欲證知宿
命神通成就心行欲於自心知他人心中種種
念數所謂受身一生之處二生之處三四五
六七八九十二十三十四十五十一百二百
一千一万無量億万半劫小劫中劫大劫無
量小劫中劫大劫我昔某處我名字某如是

姓族如是種類如是飲食如是受樂如是壽命如是死已生於彼處彼生復死

尔時菩薩以如是相如是行知種種宿命自
身既尔他身亦然又復自知種種宿命譬如
有人從自聚落出已至於他聚落行於其道
路知何處坐知何處行知何處眠知何處言
知何處默至此聚落知彼聚落其間近遠行
路之時何處而行何處而坐乃至何處眠卧
言默至彼聚落還已聚落復如是念思惟悉
知從此聚落經若干時至彼聚落復於其處
若干時住若干時行若干時坐若干時語若
若干時默過若干時復至某邑復知彼處若干

時行坐起眠卧語默停泊乃至到於已聚落
已悉如是知菩薩亦然如是定心清淨之心
無垢穢心如是軟心無患惱心可作業心於
彼初夜初更之中得宿命智正念證知心成
就行

尔時菩薩既思惟知自身生處及他生處所
謂一生國土之處乃至無量無邊億劫所生
之處是時菩薩如相如教次第聞說如知自
身所生之處及以他身種種生處亦復憶念
菩薩憶念如是生已能於處處諸衆生類受
諸生中得慈念心此我親舊此我外人捨此
親已復生某處此世彼世流轉不息猶如風

車猶如芭蕉決定無實煩惱無常此義決定
心如是指

尔時菩薩如是定心如是指清淨如是無垢如
是無惱如是柔軟可作靜業於彼夜半欲得
成就證知天耳而發是心彼以天耳善清淨
故過於人耳聞種種聲所謂或聞地獄之聲
或畜生聲天聲人聲遠聲近聲譬如聚落城
邑國土或復市中其間有人昇上高堂或復
樓上於彼中住復有一人以清淨耳聞種種
聲所謂或聞吹螺貝聲或大鼓聲或小鼓聲
細甕鼓聲或篳篥聲或枇杷聲簫笛笙瑟種
種音聲或聞歌聲或聞舞聲或聞笑聲或聞

哭聲或婦女聲或丈夫聲或童子聲或童女聲如是如是菩薩如是寂定其心清淨無垢無惱無濁柔軟作業於彼夜半聞種種聲乃至一切地獄等聲

尔時菩薩寂定清淨無垢無惱於彼夜半成就欲證彼天眼時過於人眼遍見一切或復命終墮落衆生或生衆生上界衆生下界衆生端正衆生醜陋衆生或墮惡道一切衆生或生善道一切衆生行者或造業者如所造業悉皆以眼通能達見復知如是衆生所作身業不淨意業不淨毀謗師僧或者邪見以邪見故造是惡業以是因緣捨此身命

生於惡道地獄之中受諸苦惱如是衆生以口業故受於種種諸惡道苦是等衆生口業不淨造惡口業一切具足以是因緣生於畜生受諸苦惱是等衆生行身惡業具身惡業以是因緣造意惡業具意惡業乃至毀謗一切諸聖若干邪見以邪見故邪見因緣命終捨身墮於餓鬼受餓鬼苦如是衆生行身淨業口清淨業不毀諸聖以行正見造正見業以是因緣命終捨身生於天上若干衆生以造清淨身行口行一切具足不犯不缺不謗諸聖以有正見如是正見業因緣故命終捨身生於人間如是菩薩以天眼淨過於諸人

見諸衆生或墮落時或受生時上界衆生中
下衆生端正醜陋或身有香或身患臭或至
惡道或至善道如所造業真實皆知譬如有人
於國城邑聚落市間喧鬧之處昇上大臺
高樓中坐以淨天眼見於諸人或東方來或
西方來或西向東或東向西或南向北或北
向南或從南來或從北來或來或去或住或
坐展轉其間或有進行或有順行如是如是
菩薩如是寂定清淨無垢無惱柔軟作業於
彼夜半乃至見於諸衆生等隨業受報若善
若惡而有偈說

地獄受業苦極殃

畜生各各相噉食

餓鬼恒常患飢渴

人中困在求資財

天上報盡愛別離

此苦最重無方喻

展轉一切衆生類

處處無有歡樂時

此名死命鬼深淵

亦是煩惱海根底

衆生沒溺無出處

輪轉此彼來去行

如是觀察五道中

以於天眼遍能見

煩惱始終無有實

猶如葉葉破芭蕉

尔時菩薩如是寂心如淨心無垢之心如

是遠離一切諸惡心調柔軟可作於業已得

寂定還於彼時後夜將盡心欲證知如意通

故而自發起既發知己復知他意從何處生

思惟何事一切遍至如實通知若有衆生發

於慾心欲行慾事如是真知若離慾心遠離
於慾如實證知若瞋恚心瞋恚發起真實通
知厭離瞋心遠離瞋恚如實通知若有癡心
癡心發起真實通知厭離癡心遠離癡已如
實通知如是略說愛心離愛乃至有爲無爲
下等上流靜亂廣狹大小有邊無邊有上無
上得定無定解脫無脫如實通知譬如丈夫
或復女婦正少年時常喜嚴身莊嚴身已或
時淨鏡或淨水中觀於自面相皆見盡如是
如是菩薩如是寂定其心如是清淨如是無
垢如是無惱柔軟調和可作於業已得寂定
還彼後夜以清淨心欲得證取宿命智通如

是自心他心亦然從何發心何處起心心心
遍盡如實通知若有慾心若離慾心如實通
知乃至解脫不解脫心如通知而菩薩得
如是定心清淨之心無垢穢心離一切惡柔
軟之心可作於業已得寂靜還彼後夜欲得
證知漏盡神通內發智心彼如是念此諸衆
生沒煩惱海所謂數數生老病死從此命終
至於彼處受後生時還得如是一切衆苦不
能知離此等衆苦所謂生老病死等苦如是
思惟我今當作何等方便去何得離此等諸
苦作何業行去何捨離生老病死度至彼岸
而說偈言

世間生死沒溺海

數數死已復受生

爲此老病衆苦纏

愚迷不能得出離

尔時菩薩說此偈已復更思惟此老病死從何而來何因緣有此老病死菩薩如是思惟念時知老病死因生故有此老病死以有生故老病死隨

菩薩復更思惟此生從何而有何因緣故得有是生菩薩如是思惟念已知因有故故有是生

菩薩復更思惟此有從何而有何因緣故得有此有菩薩如是思惟念已知因取故故有是有

菩薩復更思惟是取從何而有。何因緣故得
有是取。菩薩如是思惟念已知。因愛故。故有
是取。菩薩復更思惟是愛從何而有。何因緣
故得有是愛。菩薩如是思惟念已知。因受故
故有是愛。菩薩復更思惟此受從何而有。何
因緣故得有此受。菩薩如是思惟念已知。因
觸故。故有此受。

菩薩復更思惟是觸從何而有。何因緣故得
有是觸。菩薩如是思惟念已知。因六入故。有
此觸。

菩薩復更如是思惟此之六入從何而有。何
因緣故有此六入。菩薩如是思惟念已知。因

名色故有六入

菩薩復更如是思惟此之名色何因緣有從何而生菩薩如是思惟念已知因於識故有名色

菩薩復更如是思惟此之識者何因緣有從何而生菩薩如是思惟念已知因諸行故有此識

菩薩復更如是思惟此之諸行何因緣有從何而生菩薩如是思惟念已知因無明故有諸行

菩薩復更如是思惟緣無明故有諸行緣諸行故有於識緣於識故有名色緣名

色故故有六入緣六入故故有於觸緣於觸
故故有於受緣於受故故有於愛緣於愛故
故有於取緣於取故故有於有緣於有故故
有於生緣於生故故有於老緣於老故故有
病死及以憂悲諸苦惱等如是諸苦各相因
生菩薩未曾從他人聞未曾自見從法生眼
生智生生意生慧生明

菩薩復更如是思惟有何無故無病老死有
何滅故滅老病死菩薩如是思惟念知以無
生故無老病死以滅生故滅老病死

菩薩復更如是思惟以何無故而無此生以
何滅故而滅此生菩薩如是思惟念知以無

有無則無此生以滅有滅則滅此生
菩薩復更如是思惟以何無故乃至一切諸
行悉無以何滅故乃至一切諸行悉滅菩薩
如是思惟念知以無無明故諸行無以滅無
明故諸行滅

菩薩復更如是思惟以滅無明故諸行滅諸
行滅故識亦隨滅略說乃至生死憂悲苦惱
皆滅如是一切諸苦及集並皆悉滅

菩薩如是昔未曾聞如是法中生眼生智生
意生明生光生慧時菩薩得如是定心如
是清淨如是無垢如是得離一切諸惱柔軟之
心可作業心既得靜心此是無明真實而知

亦知無明因如是生亦知無明緣如是滅真實諦了此是無明盡滅之相已得正道真實而知乃至略說是識名色六入觸受愛取有生老病死等如實而知此是一切老病死集此是一切老病死滅此是一切老病死滅已得道如是悉知此苦諦集如實而知此苦諦滅如實而知此是苦諦滅已得道如實而知如是等漏真實而知如是漏集如是漏滅如是等漏滅已得道如實而知此是欲漏如實而知此是有漏此無明漏如實而知此處諸漏悉滅無餘斷絕諸有譬如郭邑或復城傍或復聚落相去不遠有

一水池其水涼冷甘美清淨間無穢濁水常
彌滿共岸齊平又岸四邊多有諸樹圍繞莊
嚴池內復有種種諸虫或蟀或螺龜鼉龜鼈
多諸水性或石或沙或諸魚鱣鱒魴鯉鱧及
摩竭魚在於水內東西南北交橫馳走求覓
飲食或有住者或相趨逐而有一人以清淨
眼在於岸上洞徹分明見於彼等一切諸虫
知此是蟀是螺是龜是鼉是鼈是砂是石是
魚是虫摩竭魚等若干求食若干蟄眠若干
東西南北馳走若干相趨如是如是菩薩如
是寂定於心如清淨如是無垢如是無惱
如是柔軟可作諸業已得寂靜此是無明如

實而知此無明集此無明滅此是無明滅已得
道如實而知乃至略說此處諸漏悉皆滅盡
無有遺餘

尔時菩薩如是知時如是見時心從慾漏而
得解脫心從有漏而得解脫從無明漏而得
解脫既解脫已生慧解脫生已即知我生已
盡梵行成立所作已辦畢竟更不受後世生
其夜三分已過第四於夜後分明星將欲初
出現時夜尚寂靜一切衆生行與不行皆未
覺寤是時婆伽婆即生智見成阿耨多羅三
藐三菩提而有偈說

是夜四分三已過

餘後一分明將現

衆類行不皆未動

是時大聖無上尊

衆苦滅已得菩提

即名世間一切智

尔時婆伽婆得智見時於此世間梵宮魔宮
天人沙門及婆羅門世皆大明小鐵圍山并
大鐵圍其間從來恒常黑暗未曾見光此之
日月如是夫德如是光明如是威力遂不能
令彼處光明照耀顯赫今者自然皆大開朗
悉觀光明其間所有一切衆生各各相見各
各相知各各相語此處亦復有衆生乎此處
亦復有衆生乎一切樹木即生華果隨熟墮
地世尊力故虛空清淨無有塵霧無有煙霞
忽自起雲降微細雨以用灑地復起涼風冷

煖調適諸方澄淨顯現分明又虛空中一切
諸天作天音樂作天歌讚而兩種種無量華
雨所謂曼陀羅華摩訶曼陀羅華復雨天衣
儵奢耶等復雨金銀琉璃等寶復雨優鉢羅
拘勿頭分陀利復雨種種末香塗香散於佛
上散已復散彼地周匝滿一由旬種種華雨
末香塗香積至于膝時此大地六種震動一
切衆生一向皆受極妙快樂諸苦不惱當於
彼時無一衆生有慾惱者有瞋恚者有貪癡
者亦復不生貢高之心我慢之心無有恐怖
不作衆罪無有疾病衆患皆差更不發動飢
渴衆生悉得飽滿酒醉衆生皆得醒悟更

飲酒顛狂衆生皆得本心盲瞶衆生皆得
色聾者聞聲身體諸根不完具者悉得具足
貧窮衆生皆得地蔵羸瘦衆生皆得肥滿牢
獄繫禁悉皆得脫枷鎖自然解散地獄衆生
悉免苦惱畜生衆生恐怖皆滅餓鬼衆生滅
飢渴苦悉得飽滿而有偈說

尔時衆生瞋等無

滅衆苦受大快

酒醉狂顛得本性

一切怖者皆獲安

尔時世尊既成阿耨多羅三藐三菩提已即
作如是師子音吼而說偈言

往昔造作功德利

心所念事皆得成

速疾證彼禪定心

又復到於涅槃

所有 一切諸怨敵

不能惱我悉歸依

若能勇猛作精進

既得即盡諸苦邊

尔時如來初成佛已最先說此口業之偈

欲界自在魔波

以有福德智慧力

求聖智者得不難

一切眾罪皆除滅

佛本行集經卷第三十

業

炳丙音迴遑

皇下

音

依怙

戶下

音

怒亮

向下

力

闕塞

昌上

崖

吾皆

音

烟燠

云下

反

捫摸

莫上

音

胡反

門下

器

皿

丙明

昌上

停泊

薄下

音

蟀

蒲講

龜

元二

字音

鼈

并滅

丙

明

昌上

善鱒

才本

音

魴

音

鯉

上音

第

蟄

直立

反

完

也

反

皀

也

反

也

正戶

官反

上

浴

音

鯉

下音

禮

也

也

也

也

也

也

也

也

也

也

